

EVALUAREA NAȚIONALĂ PENTRU ELEVII CLASEI A VIII-A

Anul școlar 2011 - 2012

Proba scrisă la Limba și literatura rromani maternă

MODEL

- Toate subiectele sunt obligatorii. Se acordă 10 puncte din oficiu.
- Timpul efectiv de lucru este de 2 ore.

SUBIECTUL I **(45 de puncte)** **DEL PES O TĚKSTO**

„/.../ Anθ-jekh vaxt, anθ-jekh bibaxtalo režimo, dāsas muj sar savorre rroma, te aven ingerde anθar o them, dur, anθ-jekh than but śundo savorrenθar, ka-o Bùgo, anθ-i Transnistria. But cirde atùnc e rroma, thaj me kamav te phenav tuqe i paramiçi e Radosqe.

O Ràdo, sasas jekh čavorro opre-tele efta beršenqo, bilazutno, tha` savo sas prinzando maj but sar jekh lačo bašavno.

But lošale sas lesqe dada, leça, thaj vi maj but lošarenas pen kana kidenas pen aver rroma anθar o gav, te śunen les sar bašavel anθar i skriṗka.

Lesqo dad, o Kulaj, kerelas buti sar sastrāri, thaj pašal o Ràdo maj sas les panz aver čavorre.

Akana, śunindoḗ o vak sar ke le kanrale, le śingale, phirenas te lien e rromen kheral, o Kulaj, sig lās la romnā thaj le čavorren, vazdās len anθ-o vurdon thaj bi te maj dikhel palpale, telārdās karing o veś te angaraven pen./.../”

(O Vešorro – palal o Žuṗter Borkoj)

1. Xramosaren savo si o titulo, o autōro thaj e personāžurā e dine literāro operaqe!
5 pùntkurā
2. Sikaven anθ-e trin frāze anθar savo literaturikano čhand/ mòdo si kadava tĚksto (dramaturgĩa/ poezĩa/ prōza)!
5 pùntkurā
3. Phenen anθ-e trin frāze so zanen tume palal o Bùgo anθar i Transnistria!
5 pùntkurā
4. Ambolden gazikanes o tĚksto dino maj opre!
5 pùntkurā
5. Arakhen e mamujutne alava/ antonimurā vaś: *bibaxtalo, but, lačo, lošalo, sig!*
5 pùntkurā
6. Roden thaj xramosaren panz murśikane navnā / substantivurā anθar o dino tĚksto!
5 pùntkurā
7. Arakhen panz kernavnā/ vèrburā save si ka-o mòdo konzunktivo. Keren lença veste propozicie!
5 pùntkurā
8. Roden thaj xramosaren panz pašnavnā/ adžektivurā anθar o dino tĚksto. **5 pùntkurā**
9. Arakhen e predikāturā anθar i frāza: „*But cirde atùnc e rroma, thaj me kamav te phenav tuqe i paramiçi e Radosqe.*”
5 pùntkurā

SUBIECTUL al II-lea **(45 de puncte)**

1. Nakhaven i sintāgma „o pherdo gono” anθar savorre siklile kēzurā, ka-o jekhipen vi ka-o butipen!
10 pùntkurā
2. Nakhaven i kernavni/ o vèrbo „ane” ka-e savorre vaxta e indikativo modosqe/ čandesqe!
10 pùntkurā
3. Vakāren, panze propozicienθe, palal tumaro gav / fōros!
10 pùntkurā
4. Xramosaren panze propozicienθe so tume xatāren anθar o godāver phenipen: „*Kas na si les jekh phuro, te kinel pesqe jekh!*”
10 pùntkurā
5. Nakhaven i pučutni-relativo sarnavni „so” anθar savorre siklile kēzurā!
5 pùntkurā